

Fundargerð 66. fundar stjórnar SSKS

Fundur í stjórn SSKS fimmtudaginn 8. nóvember 2023 kl. 09:00. Mætt voru aðal- og varamenn, Íris Róbertsdóttir, Kristinn Jónasson, Katrín Sigurjónsdóttir, Björg Ágústsdóttir, Björn Ingimarsson og Jón Páll Hreinsson ásamt Ingibjörgu Hinriksdóttur sem ritaði fundargerð.

Samskipti við Landsvirkjun

Íris sagði frá haustfundi Landsvirkjunar sem haldinn var á Hilton hótelinu 11. október sl. undir yfirskriftinni „Leyfum okkur græna framtíð“. Stjórnarfólkið Íris Róbertsdóttir, Kristinn Jónasson, Katrín Sigurjónsdóttir og Björn Ingimarsson sátu fundinn. Á fundinum áttu þau gott spjall við Hörð Arnarsson forstjóra um þau mál sem varða SSKS. Var það samdóma álit að fundurinn hafi verið góður og vonir standa til að samskipti við Landsvirkjun muni eflast.

Samskipti við Umhverfis-, loftslags- og orkumálaráðuneyti

Eftir haustfund Landsvirkjunar áttu stjórnarmenn sem þann fund sátu, og taldir eru upp hér að framan, fund með Kjartani Ingvarssyni, sérfræðingi á eftirfylgni og fjármálum í ráðuneytinu. Á fundinum var rætt um næstu skref í samstarfi samtakanna og ráðuneytisins til að bæta umhverfi húshitunar á köldum svæðum.

Önnur mál

Kristinn ræddi um stöðuna í orkumálum almennt, m.a. varðandi Kárahnjúkavirkjun þar sem ekki er til spennir sem tekur niður orkuna svo unnt er að selja hana til sveitarfélaga á Austurlandi. Einnig nefndi hann Suðurnesjalínu 2 sem ekki er komin og gæti haft alvarlegar afleiðingar fyrir Suðurnes í því ástandi sem nú er uppi. Björn tók undir orð Kristins varðandi Kárahnjúkavirkjun og kvað mikilvægt fyrir sveitarfélög á svæðinu að taka þetta mál upp og það væri alveg á verksviði SSKS. Íris benti á að Landsvirkjun skilaði 5 milljarða króna hagnaði á síðasta ári og spennir sem gæti sent orku til íbúa Austurlands kostar um einn milljarð.

Jón Páll spurði hvort ráðuneytið væri að leita að PR verkefnum, þar sem hægt væri að kippa á borða?

Katrín velti því upp hvort SSKS gæti ekki tekið upp gjaldskrána, breytt henni þannig að hún væri aðlöguð að þörfum SSKS og sent til ráðuneytisins.

Björg lagði til að stjórnin myndi taka upp það verklag að taka saman minnisblað um fundi með ráðuneytinum og stofnunum. Það þarf ekki að vera ítarlegt, aðeins þessi voru mætt, þetta var rætt, og hver næstu skref verða.

Björg velti því næst upp fyrirspurn um hver afstaða Samtaka orkusveitarfélaga væri til aukinnar raforkuframleiðslu. Katrín svaraði því til að afstaða þeirra væri mjög ákveðin að koma í veg fyrir Hvammsvirkjun kæmist á kortið nema að sveitarfélögin sem komi að henni fái fasteignagjöld af virkjuninni, sem er miður fyrir sveitarfélög sem vantar meiri orku. SO hafa beint gagnrýni sinni að Landsvirkjun en sennilega eru þau að beina gagnrýninni á rangan aðila. Kristinn benti á að málið snúist um það að ríkið tímir ekki að greiða sveitarfélögum fyrir afnot af landi til raforkuframleiðslu. Benti á að ef um vær að ræða læk í einkaeigu þá fær eigandinn 6-7% af arðinum af orkusölunni.

Rætt um stefnumörkun sambandsins og hver afstaða þess er gagnvart þessum málum. Ingibjörgu falið að senda formlega fyrirspurn á framkvæmdastjóra Sambands íslenskra sveitarfélaga fyrir hönd SSKS.

Stjórnin samþykkti bjóða Guðmundi Inga Ásmundssyni framkvæmdastjóra Landsnets á næsta stjórnarfund og biðja hann um að kynna [framkvæmdaáætlun landsnets](#).

Kristinn lagði til að á janúarfund SSKS 2024 komi Hölla Hrund Logadóttur orkumálastjóri í heimsókn. Var það samþykkt og mun Íris sjá um að stilla upp næstu tveimur fundum með þeim gestum sem að framan er getið.

Katrín Sigurjónsdóttir fór af fundinum kl. 09:35.

Björn Ingimarsson tekur að sér að taka saman minnisblað um spenninn við Kárahnjúka áður en fundurinn með forstjóra Landsnets verður haldinn.

Eftir góðar umræður var rætt um að koma öllum aðilum að einu borði, þ.e. SSKS, SO, Landsvirkjun, Landsneti, orkumálastjóra og ráðuneyti umhverfis-, loftslags- og orkumála. Einnig væri gott að fá fulltrúa frá Orkustofnun (Sigurð Inga Friðleifsson) á fund og fá upplýsingar frá honum hvað er í farvatninu hjá Orkustofnun

Fundartímar

Miðvikudagar kl. 08:00 eru bestu fundartímarnir.

Fundi slitið kl. 10:00